



REPUBLIKA E SHQIPËRISË
UNIVERSITETI I TIRANËS
FAKULTETI I DREJTËSISË



Rruga "Milto TUTULANI", Tiranë, Shqipëri, Tel/Fax. + 355 4 243 1116, http://www.fdut.edu.al

Nr. 708 Prot.

Tiranë, më 20.09.2021

VENDIM

Nr. 16 Datë 20.09.2021

Dekanati në mbledhjen e datës 20.09.2021 mbas diskutimeve dhe bazuar në nenet 42 dhe 76 të Ligjit Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", nenet 47 dhe 94 të Statutit të UT, Udhëzimin nr.17, datë 30.07.2019 të MASR, Udhëzimin nr.52, datë 03.12.2015 e MARS,

dhe në kriteret e përcaktuara prej njërive bazë, me qëllim realizimin me sukses të procedurave të aplikimit dhe të regjistrimit në programet e studimeve të ciklit të dytë në Fakultetin e Drejtësisë të Universitetit të Tiranës për vitin akademik 2021-2022, vendosi:

1. Periudha e pranimit të aplikimeve nga kandidatët për ndjekjen e programeve të studimeve të ciklit të dytë në vitin akademik 2021-2022, do të jetë prej datës 23 shtator 2021 deri në datë 18 Tetor 2021, çdo ditë ora 8.00--17:00.
 2. Shpallja e listës së aplikantëve do të bëhet në datën 20 Tetor 2021.
 3. Shpallja e listës së aplikantëve fitues do të bëhet në datën 29 Tetor 2021.
 4. Kandidatët kanë të drejtën e ankimit deri në datën 01 Nëntor 2021.
 5. Regjistrimi i kandidatëve fitues do të kryhet pranë sekretarisë mësimore të FDUT deri në datën 13 Nëntor 2021, ora 8.00-17.00.
 6. Lista emërore e kandidatëve të regjistruar do të shpallet në datën 05 Nëntor 2021.
- Kriteret e pranimit për ndjekjen e programeve të studimeve të ciklit të dytë në Fakultetin e Drejtësisë të Universitetit të Tiranës në vitin akademik 2021-2022 janë:
- a. Nota mesatare minimale për të aplikuar për Master Shkencor është 6.5 (gjashtë pikë pesë).
 - b. Nota mesatare minimale për të aplikuar për Master Profesional është 5 (pesë).
 - c. Nota mesatare minimale për të aplikuar për Master Profesional EU Business Law është 5 (pesë).
 - ç. Niveli minimal i njohjes së një prej pesë gjuhëve të huaja të Bashkimit Europian: anglisht, frëngjisht, gjermanisht, italisht, spanjisht, është B1; (Ky kriter është i zbatueshëm vetëm për kandidatët që aplikojnë për "Master Shkencor")

Kuotat fillestare do të plotësohen duke u dhënë prioritet aplikantëve që kanë përfunduar studimet “Bachelor” në Fakultetin e Drejtësisë të Universitetit të Tiranës, si edhe aplikantëve që kanë përfunduar studimet “Bachelor” në Institucionet e Arsimit të Lartë jashtë vendit.

Kuotat e paplotësuara nga kategoria e mësipërme, do të plotësohen nga aplikantët që kanë përfunduar studimet “Bachelor” në institucionet e tjera publike të arsimit të lartë të Republikës së Shqipërisë, në degën Drejtësi; si edhe në degën “Ekonomi” për “Master Profesional EU Business Law”.

Kuotat e paplotësuara nga kategoritë e mësipërme, do të plotësohen nga aplikantët që kanë përfunduar studimet “Bachelor” në institucionet e tjera jopublike të arsimit të lartë të Republikës së Shqipërisë, në degën Drejtësi.

➤ Kanë të drejtë të aplikojnë për programet e ciklit të dytë për program të parë studimi, kandidatët që:

a) kanë përfunduar me sukses studimet dhe janë pajisur me diplomën përkatëse të vlefshme në Republikën e Shqipërisë, në një program të ciklit të parë, i cili rezultoi i licencuar në momentin e regjistrimit të studentit dhe akredituar në momentin e diplomimit të studentit, ose;

b) janë diplomuar jashtë vendit në një program studimi të ciklit të parë, të akredituar. Në rast pranimi kandidati është i detyruar të kryejë njësimin e diplomës pranë QSHA-së brenda muajit Dhjetor 2021.

➤ Kanë të drejtë të aplikojnë për programet e ciklit të dytë për program të dytë studimi, kandidatët që:

a) kanë përfunduar me sukses studimet dhe janë pajisur me diplomën përkatëse të vlefshme në Republikën e Shqipërisë, në një program të ciklit të parë “Bachelor” apo në një program të integruar të studimeve të ciklit të dytë, i cili rezultoi i licencuar në momentin e regjistrimit dhe i akredituar në momentin e diplomimit të studentit, ose;

b) janë diplomuar jashtë vendit në një program studimi të ciklit të parë “Bachelor”, ose në një program të integruar të studimeve të ciklit të dytë dhe kanë kryer njësimin e diplomës pranë QSHA-së .

➤ Kandidati që aplikon paraqitet personalisht ose nëpërmjet personit të autorizuar prej tij dhe dorëzon dokumentacionin e mëposhtëm:

- a. Diplomën ose fotokopje të saj të njësuar me origjinalin, të ciklit të parë të studimeve të përfunduar në Republikën e Shqipërisë. Diplomë të ciklit të parë të studimeve të përfunduar jashtë vendit, të shoqëruar me fotokopje të diplomës të njësuar me origjinalin, ose, në mungesë të saj, një dokument tjetër zyrtar mbi bazën e të cilit është kryer njësimi në Republikën e Shqipërisë, të lëshuar në vendin ku ka kryer studimet, që i lejon regjistrimin dhe vazhdimin e studimeve universitare në vendin përkatës.
- b. Diplomën e Maturës Shtetërore së bashku me certifikatën e notave ose fotokopje të tyre të njësuar me origjinalin, e konfirmuar nga institucioni përkatës arsimor vendor, përgjegjës për arsimin parauniversitar (DRAP/ZVAP). Kandidatët që kanë përfunduar shkollën e mesme përpara hyrjes në fuqi të vendimit nr. 876, datë 3.11.2010 të Këshillit të Ministrave "Për disa ndryshime në Vendimin nr. 78, datë 8.2.2006 të Këshillit të Ministrave "Për krijimin e Maturës Shtetërore dhe pranimet në shkollat e larta publike", i ndryshuar, paraqesin Dëftesën e Pjekurisë (origjinal ose në rast fotokopjeje të saj, të njësuar me origjinalin, e konfirmuar nga institucioni përkatës arsimor vendor, përgjegjës për arsimin parauniversitar (DRAP/ZVAP).
Në qoftë se kandidatët nuk posedojnë dëftesë pjekurie të shkollës së mesme, duhet të paraqesin dublikatë të dëftesës së pjekurisë, të lëshuar nga drejtoria e shkollës së mesme ku ka përfunduar shkollën dhe të konfirmuar nga institucioni përkatës arsimor vendor, përgjegjës për arsimin parauniversitar (DRAP/ZVAP), ose dokumentin e lëshuar nga Arkivi i Shtetit së bashku me listën e notave.
- c. Formularin e aplikimit, sipas formateve të shtojcave të këtij udhëzimi.
- d. Fotokopjen e dokumentit të identifikimit (kartë identiteti, letërnjoftim ose pasaportë);
- e. Dy fotografi personale;
- f. Mandat pagese për tarifën e aplikimit në shumën 2000 lekë (degë e parë) dhe 3000 lekë (degë e dytë)
- g. Certifikatën, diplomën apo dëshminë e njohjes së një prej pesë gjuhëve të huaja të Bashkimit Europian: anglisht, frëngjisht, gjermanisht, italisht, spanjisht të nivelit minimal B1, e lëshuar nga subjekte të njohura nga MAS, për ofrimin e testeve ndërkombëtare. (Ky kriter është i zbatueshëm vetëm për kandidatët që aplikojnë për "Master Shkencor").
- Dokumentacion shtesë vetëm për shtetasit e huaj:
 - a. Dëshminë e njohjes së gjuhës shqipe, fituar në Fakultetin e Historisë dhe Filologjisë të Universitetit të Tiranës (për rastet kur regjistrohet në një program studimi që zhvillohet në gjuhën shqipe), si dhe të gjuhëve të tjera të njohura nga kandidati. Shtetasit e huaj që kanë kombësi shqiptare dhe kanë njohuri shumë të mira të gjuhës shqipe mund të sjellin çdo dokument nga vendi i origjinës që provon njohjen e gjuhës shqipe. Nga ky detyrim përjashtohen shtetasit e huaj që kanë përfunduar një cikël/program studimi në gjuhën

shqipe në institucione të arsimit të lartë në Shqipëri.
Shtetasit e huaj që aplikojnë në bazë të marrëveshjeve dypalëshe përjashtohen nga tarifat e shkollimit, në përputhje me marrëveshjet përkatëse.

- b. Curriculum Vitae;
 - c. Deklaratën sipas Shtojcës të këtij udhëzimi.
- Dokumentacion shtesë vetëm për kandidatët e kategorive të veçanta:
 - a. Kandidatët me statusin e personit me aftësi të kufizuar, duhet të dorëzojnë dhe fotokopjen e noterizuar të librezës së të verbërit të lëshuar nga Shërbimi Social Shtetëror ose kopje të noterizuar të vendimit të Komisionit Mjekësor të Caktimit të Aftësisë për Punë (KMCAP).
 - b. Kandidati me statusin e jetimit, duhet të dorëzojë dhe fotokopjen e noterizuar e dokumentit që certifikon statusin e jetimit të lëshuar nga Shërbimi Social Shtetëror.
 - c. Kandidati Rom dhe Ballkano-Egjiptian, duhet të dorëzojë edhe vetëdeklarim ose një dokument që vërteton që është Rom apo Ballkano-Egjiptian.
 - Dokumentacion shtesë vetëm për kandidatët që aplikojnë për program të dytë studimi:
 - a. Fotokopje e njësuar me origjinalin në Republikën e Shqipërisë të diplomës universitare të ciklit të dytë të studimeve, së bashku me suplementin e diplomës ose listën e notave. Për diplomat e fituara jashtë vendit, duhet të dorëzojë edhe vërtetimin e njohjes në Republikën e Shqipërisë.
 - b. Plani i plotë i programit të studimit, përfshirë dhe syllabuset përkatëse, vërtetim i listës së notave dhe krediteve të fituara për çdo lëndë dhe detyrim të shlyer, i cili do të shërbejë për njohjen e provimeve të shlyera dhe/ose krediteve përkatëse, nëse kërkohet njohja e provimeve të shlyera dhe/ose e krediteve përkatëse.
7. Zv/Dekania Ejona Bardhi, Sekretaria mësimore dhe anëtarët e komisioneve të krijuara për këtë proces ngarkohen me detyrën e realizimit të tij.
8. Ky vendim hyn në fuqi menjëherë.

Prof. Dr. Sokol MËNGJESI

